

Inuussutissarsiornermut Suliffeqarnermullu Naalakkersuisoqarfik  
Naalakkersuisoq  
Landsstyreområdet for Erhverv og Råstoffer  
Naalakkersuisoq  
Ministry of Industry and Labour  
The Minister



Inatsisartuni ilaasortaq Aleqa Hammond  
-/Maani

### §36 naapertorlugu apeqqummut akissut

Asasara Aleqa Hammond,

Inatsisartut suleriaasianni § 36, imm. 1 naapertorlugu Naalakkersuisunut apeqquaqaatit pillugu qutsavigaakkitt.

#### Apeqqut:

*"Naalakkersuisut aningaasanut inatsisissap aappaagumoortoq saqqummiunnerani oqaatigineqarpoq naalakkersuisut Kalaallit Nunaanni najugaqariaaseq pillugu misissuititsisoq, tassungalu apeqqutigiumavara susassaqarfiit suut naalakkersuisoqarfiillu arlaat peqataatinneqarpat aammalu KANUNUPE KANUKOKAlu peqataatinneqarpat, qaqugulu misissuititsineq naammassissamaarpisiuk?"*

#### Akissut:

Naalakkersuisut eqqummaariffigaat nunaqarfinni isorliunerusunilu innuttaasut inuuniarnikkut pissutsit atugaasa pitsanngorsaaviginissaat, aammalu inuuniarnermikkut namminneerlutik imminnut napatinnissaannut piorsaanermi ikorfartortuarnissaat. Siunertat tamakku timitalerniarneranni pingaaruteqarluinnarpoq nunatta isorartuup qanoq najugaqarfigineqarnerata misissuiviginissaa.

Taamaattumik pineqartoq Naalakkersuisooqatigiit Inuit Ataqtigiit, Demokraatit aamma Kattuseqatigiit Partiaat Suleqatigiinnissamik isumaqatigiisumminni isorliunerusut nunaqarfiillu atugaasa misissuiffigeqqissaarnissaat ilaatippaat, taamaaliornikkut suleriesissat eqqortut eqqortunik tunngaveqarluta aallarnisarniassagatsigit. Ima isumaqatigiisummi allassimavoq:

*"Nunaqarfiit aningaasaqarnikkut atugarisaat ataavarnissamullu tulluassusiat pilersarusioqqinnermi tunngaviussapput."*

16. oktober 2009  
Sags.nr.  
Dok.nr.

Postboks 1601  
3900 Nuuk  
Oq/tel +299 34 50 00  
Fax +299 32 56 00  
isiin@gh.gl  
www.nanoq.gl

Taassuma malitsigisaanik Naalakkersuisut suleqatigiissitamik pilersitsinikuupput isorliunerusuni nunaqarfinnilu paasissutissanik katersisinnarlutik misissuisinnarlutillu pissutsinik qulaajaanissamik siunertalimmik. Suleqatigiissitami ilaasortaataitaqarput Inuussutissarsiornermut Suliffeqarnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Aningaasaqarnermut Naalakkersuisoqarfik, Kulturimut, Ilinniartitaanermut, Ilisimatusarnermut Ilageeqarnermullu Naalakkersuisoqarfik. Suleqatigiinni ilaasortaatitat allannguajaatumik inissitaanngillat. Paasissutissat katersorneqareerpata Naalakkersuisoqarfiit amerlanerit ilaasortaataitaqalernissaat eqqarsaataavoq. Siulittaasoq paasissutissanillu katersinermi suliamik aqutsisoq Inuussutissarnermut Suliffeqarnermullu Naalakkersuisoqarfimmeersuupput.

Paasissutissanik nunaqarfinneersunik isorliunerusuneersunillu katersineq oktoberip ingerlanerani aallartinneqassaaq ukiullu naannginnerani naammassineqassalluni. Paasissutissat katersorneqartussat atituujusussaapput aningaasaqarnermut tunngasuniit atuarfeqarnermut, inissaqarniarnermut inuussutissarsiornermullu tunngasut ilanngullugit.

Kisitsisit katersorneqartut nunap immikkoortuini suleriesissamut pilersaarummut 2010-mi aallarnisarneqartussamut ilaatinneqassapput, kiisalu soqutiginnittut suliap ingerlanerani akuutinneqalissapput, taakkunungalugu ilaapput KANUNUPE aamma KANUKOKA.

Inussiarnersumik inuulluaqqusillunga

Ove Karl Berthelsen  
Naalakkersuisoq